

KJKP Gradski saobraćaj doo  
S A R A J E V O  
PRIVREMENI UPRAVITELJ

Broj:

05/196

Datum:

23-03-2018

U skladu sa članom 53.Zakona o javnim nabavkama BiH ( Službene novine BiH broj:39/14), te člana 11. Pravilnika o nabavci roba, radova i usluga KJKP «Gradski saobraćaj» d.o.o Sarajevo, razmatrajući prijedlog i mišljenje Odjeljenja javnih nabavki broj: 4745 od 22.03.2018 godine kao i Prijedlog Komisije po Odluci Privremenog upravitelja akt broj: 4866 od 23.03.2018, Privremeni upravitelj donosi,

**O D L U K U**

**O izmjenama i dopunama Odluke Privremenog upravitelja broj: 05/196 od 14.03.2018 godine**

**Član 1.**

- (1) Daje se saglasnost na izmjenu tenderske dokumentacije i to na stranici 10. Odjeljak VI Podaci o zahtjevu za učešće, tačka 6.16. na način da ista sada glasi:»Ukoliko prije i nakon zaključivanja predmetnog ugovora dođe do promjene cijene u skladu sa zakonskim propisima u Bosni i Hercegovini i kretanjima cijena na svjetskom tržištu, ponuđač se obavezuje da će kod eventualnih promjena cijena dostaviti Odluku o promjeni cijena Ugovornom organu.»
- (2) Promjena iz stava 1. ovog člana evidentirat će se prilikom zaključivanja Ugovora sa izabranim ponuđačem.

**Član 2.**

U Anexu IX u članu 7. zbog tehničke greške brišu se tačke 6., 7., i 8.

**Član 3.**

Zadužuje se Odjeljenje javnih nabavki da izvrši ispravku objavljenog postupka javne nabavke za LOT 2035 A komprimirani prirodni gas-CNG, kao i za daljnju realizaciju postupka nabavke.

**Član 4.**

Ova Odluka stupa na snagu danom donošenja.

**O b r a z l o ž e n j e**

Junuzović Kopex d.o.o Lukavac dostavio je KJKP «GRAS» d.o.o Sarajevo žalbu na tendersku dokumentaciju za LOT 2035 A komprimirani prirodni gas-CNG u kojoj se

navodi da je Ugovorni organ izvršio pogrešnu formulaciju tražene dokumentacije kojom se dokazuje povećanje cijene plina na način da je navedeno da je potrebno dostaviti saglasnost nadležnog ministarstva, a za koje je utvrđeno da isti ne dostavljaju saglasnost nego je na organu donošenje Odluke o formiranju cijene u skladu sa pozitivnim zakonskim propisima i kretanjima cijene ovog energenta na tržištu.

Odjeljenje javnih nabavki dostavilo je Privremenom upravitelju mišljenje povodom žalbe ponuđača u kojem navode da smatraju da se treba donijeti Odluka kojom će se ova odredba izmjeniti u tenderskoj dokumentaciji posebno iz razloga jer izabrani ponuđač neće biti u mogućnosti dostaviti saglasnost jer je ministarstvo ne izdaje, a da bi se upućivanjem ovog predmeta Uredbu za žalbe odgodio ovaj postupak na duži vremenski period te bi time preduzeće bilo dovedeno u situaciju da ostane bez jednog od osnovnih energenata za obavljanje autobusnog saobraćaja, čime bi štetu pretrpjeli građani Kantona Sarajevo kao i samo preduzeće gubljenjem prihoda zbog ne odvijanja javnog gradskog prevoza.

Komisija po Odluci Privremenog upravitelja broj: 05/140 od 28.02.2018 godine dostavila je i svoj Prijedlog akt broj: 4866 od 23.03.2018 godine kojim podržavaju mišljenje Odjeljenja javnih nabavki, obzirom da hitnost postupka kao i njihovo stručno razmatranje mogućnosti izmjene tenderske dokumentacije.

Privremeni upravitelj je razmatrajući podnesenu žalbu ponuđača, mišljenje Odjeljenja javnih nabavki i prijedloga Komisije, kao i ponovnim pregledom tenderske dokumentacije u zaštiti interesa preduzeća i građana Kantona Sarajevo donio Odluku kao u dispozitivu.

  
**Privremeni upravitelj**  
Hašim Gušić

Dostavljeno:

1. Odjeljenje javnih nabavki
2. Komisija (peds.Kukan Izo)
3. Interna revizija
4. Služba za pravne, kadrovske i opšte poslove
5. Arhiva privremenog upravitelja
6. Arhiva